

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po zahtjevu privrednog subjekta ELW Global Limited, Dubai

**Sarajevo,
oktobar, 2013. godine**



Broj: 01-26-7-021-1-I/13
Sarajevo, 10.10.2013. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenje privrednog subjekta ELW Global Limited, Dubai, Ujedinjeni Arapski Emirati, zaprimljenog dana 20.09.2013. godine pod brojem: 01-26-7-021-I/13, Konkurencijsko vijeće je na 69. (šezdesetdevetoj) sjednici održanoj dana 10.10.2013. godine, donijelo

MIŠLJENJE

Privredni subjekt ELW Global Limited, Dubai, Ujedinjeni Arapski Emirati (u daljem tekstu: ELW Global Limited ili Podnosilac zahtjeva), je podnio Konkurencijskom vijeću Zahtjev za davanje mišljenja u vezi postojanja obaveze podnošenja prijave koncentracije (u daljem tekstu: Zahtjev), zaprimljen dana 20.09.2013. godine pod brojem: 01-26-7-021-I/13.

Privredni subjekat ELW Global Limited je u postupku kupovine (..)**¹% dionica privrednog subjekta „TEHNIČKI REMONT“ a.d. Bratunac, Podgradačka bb, 75 420 Bratunac (u daljem tekstu: „TEHNIČKI REMONT“), koje su u vlasništvu Vlade Republike Srpske.

Podnosilac zahtjeva navodi da će zaključiti Ugovor o kupoprodaji dionica sa Vladom Republike Srpske u skladu sa Zakonom o privatizaciji državnog kapitala u preduzeću („Službeni glasnik RS“ br. 51/06, 1/07, 53/07, 41/08, 58/09, 79/11 i 28/13), prema kojem će kupovinom većinskog dijela dionica privrednog subjekta „TEHNIČKI REMONT“, privredni subjekat ELW Global Limited steći kontrolu i preovladavajući utjecaj nad istim.

Privredni subjekt ELW Global Limited je registrovan u Dubaiju, Ujedinjeni Arapski Emirati, sa primarnim djelatnostima u proizvodnji i prodaji vojne opreme, dok je privredni subjekat „TEHNIČKI REMONT“ registrovan u Okružnom privrednom sudu u Bijeljini, sa primarnom djelatnošću u proizvodnji alata i remonta vojne opreme.

Ukupan godišnji prihod privrednog subjekta ELW Global Limited na svjetskom tržištu u 2012. godini, iznosio je 2.651.724,49 USD, protiv vrijednost u konvertibilnim markama iznosi 3.882.848,57 KM, a ukupan godišnji prihod privrednog subjekta „TEHNIČKI REMONT“, na tržištu Bosne i Hercegovine je iznosio 813.960,00 KM.

Podnosilac zahtjeva, u skladu sa navedenim, traži mišljenje od Konkurencijskog vijeća u vezi postojanja obaveze podnošenja prijave koncentracije.

S tim u vezi, Konkurencijsko vijeće navodi da je članom 12. stav (1) Zakona o konkurenciji propisano šta se smatra koncentracijom i to:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili

¹ (..)**- podaci predstavljaju poslovnu tajnu, u smislu člana 38. Zakona o konkurenciji

- 3) na drugi način, u skladu s odredbama zakona koje regulišu osnivanje privrednih
 - 4) subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 14. stav (1) Zakona o konkurenciji propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajednički tržišni udio veći od 40%.

Članom 2. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) je propisano da su namjeravanu koncentraciju iz člana 12. Zakona o konkurenciji, učesnici koncentracije obavezni prijaviti i to:

- a) Privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. stav (1) tačke a) i b) Zakona o konkurenciji, i
- b) Privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona o konkurenciji.

Podnosilac zahtjeva je dužan prijaviti koncentraciju ukoliko ista ispunjava uslove definisane u članu 12. Zakona o konkurenciji, i ako učesnici koncentracije ispunjavaju uslove iz člana 14. stav (1) tačke a) i b) istog Zakona.

Predsjednik
Gordan Raspudić